

## COMMUNICAZIUN A LAS MEDIAS

Poschiavo, ils 13 da december 2024

### **Nova lescha d'electricidad: Repower introducescha a partir dal 2026 tariffas da reconsegna a basa dal martgà**

La restituziun da l'atgna electricidad producida vegn adattada a partir dal 1. da schaner 2026. Possessuras e possessurs d'implants solars che furneschan electricidad en la rait da Repower survegnan a partir dal 2026 ina tariffa da reconsegna che s'orientescha al pretsch dal martgà ordinari. Per il 2025 na sa midan las tariffas da reconsegna en il providiment da basa betg.

Ils 9 da zercladur 2024 han las votantas ed ils votants da la Svizra approvà la Lescha federala davart in providiment d'electricidad segir cun energias regenerablas. A partir dal 1. da schaner 2026 va perquai en vigur ina nova regulaziun per la restituziun da l'atgna electricidad producida. Questa midada pertutga cunzunt possessuras e possessurs d'implants solars che furneschan lur surpli d'electricidad a la rait publica. La nova lescha prevesa che l'electricidad furnida vegn restituida cun ina tariffa unitara per l'entira Svizra. Questa tariffa duai l'Uffizi federal per energia fixar da nov mintga quartal a basa dal pretsch dal martgà ordinari. Era Repower vegn ad introducir a partir da quel mument la tariffa da reconsegna a basa dal martgà. Per implants cun ina prestaziun da fin 150 kW è prevista ina restituziun minimala che vegn fixada dal Cussegl federal.

Ina tariffa da reconsegna a basa dal martgà animescha las possessuras ed ils possessurs d'implants solars da coordinar meglier la producziun ed il diever d'electricidad. Nus cussegliain a tut las gestiunarias ed a tut ils gestiunaris d'implants da s'infurmar ad uras davart las tariffas da reconsegna a basa dal martgà futuras per pudair dimensiunar a moda optimala l'implant u per considerar ina schliaziun cun batteria.

#### **Las tariffas da reconsegna da Repower restan tuttina l'onn 2025**

Per l'onn 2025 na mida Repower betg la tariffa da reconsegna. Repower paga vinavant a las producentas ed als producent otg raps per ura kilowatt furnida. Vitiers vegn tar implants cun ina prestaziun totala da l'alternatur da fin 30 kVA quatter raps per la garanzia d'origin. Per mintga ura kilowatt furnida en la rait generescha il sistem automaticamain ina garanzia d'origin. Questas garantias pon las possessuras ed ils possessurs utilizar u commercialisar.

Ulteriuras infurmaziuns ed ils fegls da tariffas da la Repower chattais Vus sin nossa [pagina-web](#).

## Contact

Stefan Bisculm

Manader post da medias

t +41 81 423 78 73

m +41 79 372 77 76

[stefan.bisculm@repower.com](mailto:stefan.bisculm@repower.com)

---

## Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milaun. Repower è activa lung l'entira chadaina da valurisaziun da l'electricidad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.